



Na osnovu Odluke Uprave JP „Međunarodni aerodrom Tuzla“ d.o.o. broj: 01/I-468/21 od 02.04.2021.godine, u ime Uprave JP „Međunarodni aerodrom Tuzla“ d.o.o. Direktor objavljuje:

JAVNI POZIV za dostavljanje ponuda za snadbijevanje gorivom za mlazne motore tipa JET A1

I PREDMET JAVNOG POZIVA

Predmet javnog poziva je prikupljanje ponuda za snadbijevanje gorivom za mlazne motore tipa JET A1 radi potpisivanja ugovora o kupoprodaji istog.

Shodno Rješenju Uprave za indirektno oporezivanje Tuzla broj 04/4-I/IV-17-1-UP-I-48-017-2/18 od 26.07.2018, godine, JP „Međunarodni aerodrom Tuzla“ d.o.o. može vršiti nabavku predmetnog goriva samo u svojstvu UVOZNIKA.

Gorivo za mlazne motore tipa JET A1 koje je predmet ovog javnog poziva mora ispunjavati jedan od slijedećih standarda ili specifikacija:

1. UVJETI KVALITETE AVIONSKOG GORIVA ZA ZAJEDNIČKE OPERATIVNE SISTEME (AFQRJOS), UOBIČAJENO POZNATI KAO ZAJEDNIČKA LISTA PROVJERE SISTEMA SNABDIJEVANJA AVIOGORIVOM, ZA JET A-1, zadnje izdanje; ili
2. AUTM - Američko Udruženje za Testiranje i Materijale (ASTM - American Society for Testing and Materials) Specifikacija Standarda D 1655 za avionska turbinska goriva JET 1 / JET A-1, zadnje izdanje; ili
3. Standard Ministarstva Odbrane Velike Britanije DEF STAN 91-91 avijacijsko turbinsko gorivo, "Tip Kerozin", Jet A-1, zadnje izdanje; ili
4. IATA Smjernice za korištenje specifikacija za Avijacijska Turbinska Goriva, Jet A / Jet A-1, zadnje izdanje, ili
5. Specifikacije Kanade Can/CGSB-3.23-97, Avijacijsko Turbinsko Gorivo, Jet A / Jet A-1, zadnje izdanje

II PRAVO PRIJAVE NA JAVNI POZIV:

Pravo prijave na javni poziv imaju sva pravna lica registrovana za obavljanje djelatnosti prometa gorivom za mlazne motore tipa JET A1 u svojstvu **IZVOZNIKA**. Pomenuta pravna lica mogu se javiti samo u svojstvu samostalnog pravnog lica.

III SADRŽAJ PONUDE:

Ponuda obavezno mora sadržavati dokumente kako slijedi:

1. Prijavu na javni poziv sa osnovnim podacima o pravnom licu (tačan naziv, adresa, sjedište)
2. ID broj, PDV broj, Aktuelni izvod iz sudskog registra ili dokument koji je ekvivalent izvodu iz sudskog registra kojim se dokazuje da je registrovan za obavljanje predmetne djelatnosti;
3. Obrazac potpisan i ovjeren od strane ovlaštene osobe sa ponuđenom cijenom iz kojeg moraju biti vidljivi svi sastavni elementi cijene kako je traženo tačkom 1. KRITERIJA ZA IZBOR NAJPOVOLJNIJEG PONUDAČA. Obrazac za cijenu sadržan je u prilogu ovog javnog poziva - Prilog 1.

IV KRITERIJI ZA IZBOR NAJPOVOLJNIJEG PONUDAČA:

1. Najniža cijena po toni čiji elementi moraju biti razloženi na način kako slijedi:
 - a) cijena goriva za mlazne motore tipa JET A1 (u daljem tekstu: roba) prema Platt's (FOB Med Italy) kotacijama na dan 07.04.2021.godine;
 - b) marža ponuđača po toni;
 - c) prevoz po toni.

NAPOMENA: Ponuđena cijena može se mijenjati za vrijeme ugovornog odnosa. Promjenljivost cijene odnosi se isključivo na tačku a) uz obavezu ponuđača da uz svaku

promjenu cijene dostavi iznos kotacije Platt's (FOB Med Italy) na dan otpreme iz rafinerije a prema ugovorenoj formuli cijene sadržanoj u obrascu za cijenu - Prilog 1 ovog javnog poziva. Element cijene pod b) i element c) u Prilogu 1 za vrijeme trajanja ugovornog odnosa je nepromjenljiv.

2. Rok isporuke 12 do 24 časa od momenta prijema narudžbenice.
3. Rok plaćanja – odgođeno plaćanje u roku od 40 dana i više.
4. Mjesto isporuke robe – JP „Međunarodni aerodrom Tuzla“ d.o.o., Gornje Dubrave bb, 75 270 Živinice.
5. Ukupna količina robe je cca 8.000 tona na godišnjem nivou. Navedena količina je okvirna a isporuka će se vršiti sukcesivno, zavisno od potreba JP „Međunarodni aerodrom Tuzla“ d.o.o. i iste će biti definisane ugovorom.
6. Ponuđač se obavezuje da će JP „Međunarodni aerodrom Tuzla“ d.o.o. svrstati u „prioritete“, što znači da će u svakom momentu biti u mogućnosti odgovoriti zahtjevu ugovornog organa za isporuku goriva za mlazne motore JET A 1 kao i da će vršiti nesmetano snabdijevanje u bilo kom trenutku nezavisno od situacije na tržištu.
7. Ponuđač se obavezuje da će tokom primjene ugovora, ugovornom organu vršiti isporuku goriva za mlazne motore JET A1 u skladu sa standardima i specifikacijama navedenim u ovom javnom pozivu i priloženim certifikatom o kvalitetu goriva.

V DOSTAVLJANJE PONUDA/PRIJAVA

Skeniranu ponudu (potpisanu i ovjerenu) sa potrebnom skeniranom dokumentacijom, sa naznačenom punom adresom ponuđača dostaviti putem elektronske pošte na adresu office@tuzla-airport.ba

Rok za dostavljanje ponuda je: **12.04.2021.godine do 10:00 sati.**

Neuredne ponude kao i ponude koje pristignu nakon navedenog roka neće biti uzete u razmatranje.

VI OSTALE INFORMACIJE

JP “Međunarodni aerodrom Tuzla” d.o.o. ne snosi nikakve troškove ponuđača u postupku javnog poziva, te zadržava pravo da prihvati ili odbije svaku ponudu, poništi oglas ili odbije sve ponude u bilo koje vrijeme prije sklapanja ugovora i pri tome ne snosi nikakvu odgovornost prema ponuđačima niti je u obavezi objasniti takve odluke.

JP “Međunarodni aerodrom Tuzla” d.o.o. ima pravo da prije donošenja odluke o najpovoljnijem ponuđaču a u toku razmatranja ponuda, pozove ponuđače koji ispunjavaju uslove ovog Javnog poziva, te sa istim obavi pregovore o osnovnim elementima ponude, kao i da ih u cilju eventualnih razjašnjenja i nejasnoća pozove da daju dodatne informacije u vezi dostavljene ponude.

Izabrani ponuđač dužan je u roku od 10 dana od dana potpisivanja ugovora dostaviti instrumente za obezbjeđenje urednog snabdijevanja avio gorivom (mjenice i sl.).

JP “Međunarodni aerodrom Tuzla” d. o. o. zadržava pravo zaključivanja ugovora sa više dobavljača, redosljedom koji prati redosljed rang liste najpovoljnijih ponuda, a istim redosljedom će se vršiti i sukcesivne isporuke predmetnog goriva u slučaju da prvorangirani ponuđač nije u mogućnosti izvršiti ugovorenu obavezu u datom momentu.

Dostavljanjem ponude temeljem ovog Javnog poziva, ponuđači bezuslovno prihvataju sve navedene uslove.



DIREKTOR

Esed Mujačić
Esed Mujačić

OBRAZAC ZA CIJENU

Naziv ponuđača: _____

Broj ponude: _____

Redni broj	Opis robe	Jedinična cijena goriva po toni za mlazne motore tipa JET A1 prema Platt's (FOB Med Italy) kotacijama na dan 07.04.2021.godine (a)	Marža ponuđača po toni (b)	Prevoz po toni (c)	Ukupna cijena (a + b + c)
1	Gorivo za mlazne motore tipa JET A1				

Ponuđeni rok isporuke: _____

Ponuđeni odgođeni rok plaćanja: _____

Potpis i pečat ponuđača:
